

板橋集



207 769/1

民國廿二年三月再版


板橋集全書一冊

定價大洋四角

標點者何銘

印刷者新文化書社

發行者新文化書社



總發行所

新文化書社
上海四馬路中市

板橋集

興化 板橋鄭燮著

詩鈔

鉅鹿之戰

懷王入關自營，楚人太拙秦人虎。殺人八萬取漢中，江邊鬼哭酸風雨。項羽提戈來救趙，暴雷驚電連天掃；臣報君讎子報父，殺盡秦兵如殺草。戰酣氣盛聲喧呼，諸侯壁上驚魂逋。項王何爲必天子？只此快戰千古無。千姦萬黠藏兇戾，曹操朱溫盡稱帝。何似英雄駿馬與美人，烏江過者皆流涕。

種菜歌

（爲常公延齡作）

有明萬曆天啓間，時事壞爛生兇頑；羣賢就戮九千歲，宮中不復尊龍顏，烈皇帝起震而怒，練帛一條殪凶孺。天荒氣敗不可回，龜鼎潛移九廟仆。蒼谷光生開平嗣，屢疏交章稱天意；提將白刃守宮門，散盡黃金酬死事。都城陷沒走南邦，惡孽桐城馬貴陽。新主夜夜酣春夢，戌卒朝朝立曉霜！上方請劍長號睡，忠譴不聞城又破。虎口纔離二點好，孤舟欲覆江流大。買田種菜作生涯，淚落春風迸野花；嬾尋舊第烏衣巷，怕看鍾山日暮霞。穢

醵負擔爲傭保，菜羹糲食隨荒草。時供麥餠羹羹前，一聲長哭松楸倒。家有貧嫗魏園蔬，甘貧茹苦破柴門；燒殘昔日鴛鴦錦，滌盡從前翡翠痕。一畦菜熟一畦種，時時汲水提春甕。玉纖牽斷井邊繩，茅棚壓匾斂梁鳳。幾年瑣牒先生死，含飯無資乞鄰里。天涯有客攜揮金，棺衾畫甕皆周視。人心不死古今然，欲往金陵問菜田。招魂何處孤臣墓？萬里春風與杜鵑。

題雙美人圖

環環搖動湘裙冷，俏風偷入羅衫領。美人相倚借餘溫，細語無聲親素頸？玉指尖纖指何許，似笑姮娥無伴侶；又似天邊笑薄雲，夜寒不得成濃雨。

自遣

舊彼豐茲信不移，我千困頓已無辭。束狂入世猶嫌放，學拙論文尙厭奇。看月不妨人去盡，對花只恨酒來遲。笑他綠素求書輩，又要先生爛醉時。

山色

山色清晨望，虛無杳靄間。直愁和霧散，多分遣雲攀。流水澹然去，孤舟隨意還。漁家破簑笠，天肯今之閒。

詩圖書

夜寂其人，明坐其家；處分息事，略棄毋歸。主人不知，託爲腹心；無奸不直，無淺不深。

仁義之言，出于聖口。奸邪竊似，濟欲忘醜。播談忠孝，聲淒淚痛。吟詠賢明，况汝愚衆！

當春不華，蓄意待秋；秋又不實，行將誰尤？葦蕩藏蛇，梧桐噉鳳；象分性別，各以類貢。况汝棘刺，鴟鴞避之；乃思鸞鳳，槁死不知！

求利于地，絲泉稼穡；求利于天，鋤慾植德；求利于物，網罟釣弋；求利于人，面曲背直。有禽其心，有獸其力。詆賢玩愚，寢危臥仄。天亦汝憐，大道不塞。

偶然作

英雄何必讀書史，直搗血性爲文章；不仙不佛不賢聖，筆墨之外有主張。從橫議論析時事，如醫療疾進藥方。名士之文深莽蒼，胸羅萬卷雜霸王；用之未必得實效，崇論閎議多慨慷；雕鐫魚鳥逐光景，風情亦足喜且狂。小儒之文何所長？抄經摘史恆釘強；玩其詞華頗赫爍，尋其義味無毫芒。弟領其師客談說，居然拔軾登詞場。初驚既鄙久蕭索，身存氣輒名先亡。聲碑刻石臨大道，過者不讀倚壞牆。嗚呼文章自古通造化，息心下意毋躁忙。

送友人焦山讀書

焦山須從象山渡，參差上下一江樹；高枝倒挽行雲住，低枝搏擊江濤怒。枯藤盤挐蛇走壁，怪石峻峭鬼映路。日落煙生江霧昏，微茫星火沿江村。忽然飛鏡出東海，萬里一碧開乾坤。夜悄山中更淒肅，鸛鶴無聲千樹秀。鄰屋時聞老僧咳，山魃遠在雲端哭。幾年不到大江濱，花枝鳥語春復春。抱書送爾入山去，雙峯覓我題詩處。

海陵劉烈婦歌

烈婦夫武舉，從左良玉陣亡，無後。鄉書奉公姑，待其終年，即自縊死。州人哀之，稱爲劉烈婦云。

濕雲壓臆燈欲死，少婦停梭拂衣起。夜慘心孤倦欲臥，沙場夢入深閨裏；破甲殘旗裹血痕。手提敗鼓號冤魂；自云轉戰身陷沒，斷骸漂骨黃河奔。倉皇踰躅婦驚覺，羣犬亂吠秋籬根。深夜欲啼啼不得。淚珠迸落羅衾濕。抹去胭脂罷曉妝，翠翹雲鬢無顏色。凶問傳來敗散軍，果然與夢無差分。溫言緒語慰翁媼，幽閨裂破繡羅裙；椎心一哭數斗血，紙錢飄去迴秋雲。柴門寂寞聽鼙鼓，病婦把家門戶瘦；夜夜寒機達曙光，朝朝破井提鴛鴦。十畝荒田歲不收，一園花柳空如繡。翁歿媼歿婦即歿，宗祀無人妾何立？拚將皓頸委紅羅，寧使芳魂覓沙磧。丈夫死國妻死夫，忠義不得轉呼吸。一念徘徊事則敗？包差泉壤何嗟及！至今噴樹晚悲號，荒河白草秋原高。寒鴉孤棲夜不定，哀鳴向月求其曹。

揚州

畫舫乘春破曉煙，滿城絲管拂榆錢。千家窈女先教曲，十里栽花算穩田。雨過隋堤原不濕，風吹紅袖欲登仙。詞人久已傷頭白，酒暖香溫倍悄然。

廿四橋邊草正荒，新開小港透雷塘；畫樓隱隱煙霞遠，鐵板錚錚樹木涼。文字豈能傳太守？風流原不礙隋皇。最今酌古情何限，願借東風作小狂。

西風又到洗粧樓，衰草連天落日愁。瓦礫數堆樵唱晚，涼雲幾片燕驚秋。繁華一刻人偏戀，嗚咽千年水不流。借問纍纍荒塚畔，幾人耕出玉搔頭？

江上澄鮮秋水新，邗溝幾日雪迷津。千年戰伐百餘次，一歲變更何限人！盡把黃金通顯要，惟餘白眼到清貧。可憐道上饑寒子，昨日華堂臥錦茵！

曉行眞州道中

僮僕飄零不可尋，客途長伴一張琴；五更上馬披風露，曉月隨人出樹林。麥秀帶煙春郭迥，山光隔岸大江深。勞勞天地成何事？撲碎鞭梢爲苦吟。

寄許生雪江二首

詩去將吾意，書來見爾情。三年俄夢寐，數語若平生。雨細窗明火，鴉棲柳暗城。小樓良夜靜，還憶讀書聲。

金紫人間事，縹緲我章歸。閒吟聊免俗，極賤到爲儒。妙墨疑懸瀑，雄才欲唾珠。時時盼霄漢，待爾入雲衢。

不捨江干趣，年來臥水村。雲揉山欲活，潮橫雨如奔。稻壘乘秋熟，豚蹄佐酒渾。野人歡笑罷，買棹會相會。

贈石道士

樓殿玲瓏草木閒。洞簫吹徹碧雲間。歌成莫擬無投贈，新洗羊脂白玉環。

閒居

嬾慢從來應接疎，閉門掃地足閑居。荆妻拭硯磨新墨，弱女持牋索楷書。柿葉微霜千點赤，紗廚斜日半窗虛。江南大好秋蔬菜，紫笋紅薑煮鯽魚。

宗子相墓

寥落百花洲，老屋破還在。遠水如帶環，東風吹野菜。

七歌

鄭生三十無一營，學書學劍皆不成。市樓飲酒拉年少，終日擊鼓吹竽笙。今年父歿遺書賣，剩卷殘編看不快。囊下荒涼告絕薪，門前劍豚來催債。嗚呼！一歌兮歌偏側，蟲豸讀書讀不得。

我生三歲我母無，叮嚀難割襁中孤。登牀索乳抱母臥，不知母歿還相呼！兒昔夜啼啼不已，阿母扶病隨啼起；婉轉喚撫兒熟眠，燈昏母咳寒窗裏。嗚呼！二歌今夜欲半，鴉棲不穩庭槐斷。

無端涕泗橫闌干，思我後母心悲酸。十載持家足辛苦，使我不復憂饑寒。時缺一升半升米，兒怒飯少相觸抵；伏地啼呼面垢污，母取衣衫爲湔洗。嗚呼！三歌今歌徬徨，北風獵獵吹我裳。

有叔有叔偏愛姪，謹短論長潛覆篋。僞書逃藥無事無，藏懷負背趨而逸。布衾單薄如空葉，敗絮零星兼臥惡。縱橫洩溺漫不省，就濕移乾叔夜醒。嗚呼！四歌今風蕭蕭，一天寒雨聞雞號。

幾年落拓向江海，謀事十事九事殆。長嘯一聲沾酒樓，背人獨自問真宰。枯蓬吹斷久無根，鄉心未盡思田園。千里還家到反怯，入門忸怩妻無言。嗚呼！五歌今頭髮豎，丈夫意氣閨房沮。

我生二女復一兒，寒無絮絡饑無糜。啼號觸怒事鞭扑，心憐手軟翻成悲。蕭蕭夜雨盈階坻，空床破帳寒秋水，清晨那得餅餌持！誘以貪眠罷早起。嗚呼！眼前兒女今休呼爺，六歌未闕思離家。

種園先生是吾師，竹樓桐峯文字奇；十載鄉園共遊憩，壯心磊落無不爲。二子辭家弄筆墨，片語千人氣先塞。先生貧病老無兒，閉門僵臥桐陰北。嗚呼！七歌兮浩縱橫，青天萬古終無情。

（種園先生，陸震；竹樓，王國棟，桐峯，顧子觀。）

哭特兒五首

天荒食粥竟爲長，慚對吾兒泪數行；今日一匙澆汝飯，可能呼起更重嘗；
歪角鬚兒好戴花，也隨諸姊耍盤鴉；於今寶鏡無顏色，一任朝光滿碧紗；
墳草青青白水寒，孤魂小膽怯風湍。荒塗野鬼銖求慣，爲訴家貧楮鏹難。
可有森嚴十地開，兒魂一去幾時回？啼號莫倚嬌憐態，還利非而父母來。
蠟燭燒殘尚有灰，紙錢飄去作塵埃。浮圖似有三生說，未了前因好再來。

邨塾示諸徒

飄蓬幾載困青氈，忽忽邨居又一年。得句喜然花葉寫，看書倦當枕頭眠。蕭騷易惹窮途恨，放蕩深慚學俸錢。欲買扁舟從釣叟，一竿春雨一簑煙。

淮陰邊壽民葦間書屋

邊生結屋類蝸殼，忽開一箇洞寥廓。數枝蘆荻撐燭檣，一水明霞靜樓閣。夜寒星斗垂

微茫，西風入幃搖燭光。隔岸微聞寒犬吠，幾撼吟髭更漏長。

項羽

已破章邯勢莫當，八千子弟赴咸陽；新安何苦坑秦卒？壩上焉能殺漢王！玉帳深宵騷
駿馬，楚歌四面促紅粧。烏江水冷秋風急，寂寞野花開戰場。

鄴城

割破寒雲漳水流，殘星畫角動譙樓。孤城旭日牛羊出，萬里新霜草木秋。銅雀荒涼遺
瓦在，西陵風雨石人愁。分香一夕雄心盡，碑版仍題漢徽侯。

銅雀臺

銅雀臺，十丈起，掛秋星，壓寒水。漳河之流去不已，曹氏風流亦可喜。西陵松柏是
新栽，松下美人皆舊妓。當年供奉本無情，死後安能強哭聲？繡幃八尺催歌舞，嬾慢盤鴉
鬢不成。若教賣履分香後，盡放民間作佳偶。他日都梁自檢燒，回首君恩淚霑袖。

泚水

泚水清且淺，沙礫明可數。漾漾浮輕波，悠悠隔遠浦。千山倒空青，亂石兀崖堵。我
來恣游泳，浩歌懷往古。倡側并脛道，卒列不成伍。背水造奇謀，赤幟立趙土。韓信購左
車，張耳陋肺腑。何不赦陳餘，與之歸漢主？

易水

子房既有椎，漸離亦有筑，荊卿利匕首，三人徒碌碌。世海無鳳麟，運否縱蛇螭。雷
霆避其威，人謀焉得速？蕭蕭易水寒，悄悄燕丹哭。事急履虎尾，債輾節敗輟。酒酣市上
情，一往不可復。

贈甕山無方上人二首

山裏都城北，僧居御苑西。雨晴千嶂碧，雲起萬松低。天樂飄還細，宮莎剪欲齊。菜
人驅豆馬，歷歷俛長隄。

一見空塵俗，相思已十年。補衣仍帶綻，閒話亦深禪。煙雨江南夢，荒寒薊北田。閒
來澆菜圃，日日引山泉。

追憶莫愁湖納涼

江上名湖號莫愁，納涼先報楚江秋。風從綠若捎頭響，雲向青山缺處流。尙憶輕襟落
竹露，何堪清夢隔沙鷗？遙憐新月黃昏後，團扇佳人正樓倚。

送職方員外孫丈歸田

（臨兆璽）

先生六月江南去，敵臺秋風亦徑歸。鱸膾先嘗應憶我，蕨薇堪飽莫開扉。故人脫屣頭
俱白，後學相看識者稀。淮海文章終自在，任渠披謁絳紗幃。

鱗兒灣畔藕花香，龍舌津邊梗稻黃。小艇霧中看日出，青錢柳下買魚膏。卮墟古廟紅牆立，天末孤雲白帶長。借取漁家新簪笠，一竿煙雨入滄浪。

嶧山

徐州五色土，乃在嶧山下。凸凹見青黃，崩裂墮赤赭。偃蹇十里石，蓄怒臥牛馬。苔斑古銅鑄，黑骨積鐵冶。砉然觸穹蒼，千峯構雲廈。曲逕回腸盤，飛泉震雷瀉。古碑斷蟲魚，老屋頽甃瓦。秋河宿可竭，寒星摘盈把。悲鳥百羣叫，孤鶴萬年寡。結茅此間住，萬事夢可捨。山中古仙人，或有騎龍者。

山寺

山頂何年寺，寒牆補破雲。古鐘雀巢鈕，斷石薜成文。僧詬從教譯，燒香久不焚。迴風吹柿葉，淒響正紛紛。

徐君墓

滿廬夜哭墳頭樹，天神百怪精靈聚。月射芙蓉冷露凝，霜寒轉轉銀蛇土。殷殷時呼水底龍，鰲鰲欲化山頭虎。爲表延陵萬古心，忍負徐君三尺土！世人投贈不及身，百千賻布空爾情。季子抱恨刻心骨，區區掛劍徒虛名。眼前眷戀情難厭，死後相思空寄念。席上靡擘便贈之，一條秋水橫棺臉。

贈博也上人

閉門何處不深山？蝸舍無多八九間。人跡到稀春草綠，燕巢營定畫梁間。黃泥小竈茶烹陸，白雨幽窗字學顏。獨有老僧無一事，水禽沙鳥聽關關。

寄許衡山

江淮韻士許衡州，近日蕭疏似昔不？好事春泥修客竈，多情小盃覆詩園。食眠消減綠花瘦，鶯燕商量怨水流。我有無題新脫稿，寄君吟向小朱樓。

寄松風上人

豈有千山與萬山，別離何易來何難？一日一日似流水，他鄉故鄉空倚闌！雲補斷橋六月雨，松扶古殿三時寒。筍脯茶油新麥飯，幾時猿鶴來同餐？

喜雨

宵來風雨撼柴扉，早起巡簷點滴稀。一逕煙雲蒸日出，滿船新綠買秧歸。田中水淺天光淨，陌上泥融燕子飛。共說今年秋稼好，碧湖紅稻鯉魚肥。

弘量上人精舍

綠絲秋滿湧樹根，西風落葉破柴門。蠻鴉日暮無人管，飛起前村入後邨。山門夜悄不能呼，冷燭秋船指葦埔。殘月半天霜氣重，曉鐘鷄唱滿東湖。

題畫

秋山秋樹秋水，蒼瘦禿落清駛；舊曾遊望依稀，渺渺雁行沙嘴。

悍吏

縣官編丁著圖甲，悍吏入村捉鵝鴨。縣官發老賜帛肉，悍吏沿村括稻粟。豺狼到處無虛過，不斷人喉抉人目。長官好善民已愁，況以不善司民牧！山田苦旱生草菅，水田浪闊聲潺潺。聖主深仁發天庾，悍吏貧勒爲刁奸。索逋洵洵虎而翼，叫呼楚撻無甯刻。村中殺鷄忙作食，前村後村已屏息。嗚呼長吏定不知，知而故縱非人爲！

私刑惡

自隗忠賢將掠軍賢，淫刑百出，其遺毒猶在人間。胥吏以撻掠取錢，官長或不知也。仁人君子，有至痛焉！
官刑不敵私刑惡，掾吏搏人如豕搏。斬筋抉髓剔毛髮，督盜搜賊例苛虐。吼聲突地無人色，忽漫無聲四肢直。游魂蕩漾不得死，婉轉迴避天地黑。本因凍餒迫爲非，又值姦刁取自肥。一絲一粒盡搜索，但憑皮骨當嚴威。纍纍妻女小兒童，拘囚繫械網一空。牽累無事十七八，夜來鎖得鄰家翁。鄰家老翁年七十，白挺長椎敲更急。雷霆收聲怯吏威，雲昏雨黑蒼天泣。

撫孤行

十年夫歿扇書麓，歲歲曬書抱書哭。標綳破裂方錦紋，玉軸牙籤斷湘竹。繡婦織不買藏書，況有孤雛是遺腹！四壁塗鴉噴不止，十日索墨五日紙；學俸無饒愧塾師，棧脚鉞頭勞十指；燈昏焰短空房黑，兒讀無多母長織。敗葉走地風沙沙，檢點兒眠聽曉曉。

增巨潭上人三首

山骨蒼寒壓古牆，壞廊拳曲入僧房。金錢十萬誰來施？多起樓臺占夕陽。
墨磔鉛匙一兩三，半窗畫意寫江南。誰家絹素催人急，先向空中作遠風？
寒煙裊裊淡孤邨，一綰霜華界瓦痕。睡足曉窗無一事，滿山晴日未開門。

別梅鑑上人

海陵南郭居人少，古樹斜陽破佛樓。一逕晚煙籬菊瘦，幾家黃葉荳棚秋。雲山有約憐狂客，鐘鼓無情老比丘。回首舊房留宿處，暗窗寒紙颯颯愁。

客揚州不得之西邨之作

自別青山負夙期，偶來相近輒相思。河橋尙欠年時酒，店壁還留醉後詩。落日無言秋壓冷，花枝有恨曉鶯癡。野人話我平生事，手種垂楊十丈絲。

再到西村

青山問我幾時歸？春雨山中長蕨薇。分付白雲留倦客，依然松竹滿柴扉。送花鄰女看

都嫁。賣酒村翁興不連。好待秋風禾稼熟，更修老屋補斜暉。

除夕前一日上中尊汪夫子

瑣事貧家萬日端，破裘雖補不禁寒。瓶中白水供先祀，窗外梅花當早餐，結網縱勦河又汭，賣書無主歲偏闌。明年又值掄才會，願向秋風借羽翰。

秋夜懷友

斗帳寒生秋被輕，疎星歷歷隔窗明。滿階蕉葉兼梧葉，一夜風聲似雨聲。寒北天高鴻雁遠，淮南木落楚江清。客中又念天涯客，真是相思過一生。

芭蕉

芭蕉葉葉爲多情，一葉纔舒一葉生。自是相思抽不盡，却教風雨怨秋聲。

梧桐

高梧百尺夜蒼蒼，亂掃秋星落曉霜。如何不向西州植，倒挂綠毛么鳳皇？

得南園捷音

忽漫泥金入破籬，舉家歡樂又增悲。一枝桂影功名小，十載征途發達遲。何處甯親惟
異夢，無人對鏡嬾窺帷。他年縱有毛公檄，捧入華堂却慰誰？

山中雪後